

# Cunsillu Armânjloru

(Cunsillu Makedonarmânjloru)

Head Office: *Moscopoli* / Voskopoje – *Curceaua* / Korce – Po. Box 54, Korce, Albania  
Donation : ALPHA BANK, Korce – “Keshili i Arumuneve”, Account No. 012425011001008  
[www.makedonarman-council.org](http://www.makedonarman-council.org) e-mail : [info@makedonarman-concil.org](mailto:info@makedonarman-concil.org)

## Bulitinu Infurmativu

*Cunsillu Armânjloru* andreadzi tu 12-li di Andreu, estanu, **Conferintsa Cunsillui Armânjloru**, *Curceaua* – Arbinishie. La aestâ conferintsâ tsi easti minduitâ s-hibâ dishcljisâ ti Armânamea di iutsido, *Cunsillu Armânjloru* va câliseascâ sh-sutsatili tsi nu suntu membri tu cunsilu ama sh-aspusirâ vrearea deadunu cu tinjia sh-acâkisearea ti lucurlu trâ Armânami.

Ashi cumu s-deadi di shteari sh-tu Bulitinu Infurmativu sâlghitu tu mass-media armâneascâ, estanu, tu 15-li di Alunaru, *Cunsillu Armânjloru* avea umutea s-andreagâ Tirana, unu congresu internatsiunalu sumu patronagiulu a prezidentului a Cunsillui ali Evropâ, Lluis Maria de Puig, ashi cumu furâ muabetsli tsi li avu diligatsiunea Cunsillui Armânjloru cu nâsu, la sesiunea parlamentarâ ditu meslu Cirisharu di Strasburg, ma multu sh-câ estanu s-umplurâ 60 di anji di cându s-amintâ Cunsillu ali Evropâ.

Ti itia di niscânti alâxeri tu aghenda di lucru a prezidentului a Cunsillui ali Evropâ, Lluis Maria de Puig, cari sh-avea loatâ borgea ta s-dishcljidâ Congreslu Armânjloru di Tirana, *Biroulu di Cumândâseari a Cunsillui Armânjloru* lo apofasea s-mutâ data di organidzari a congreslui tu primuveara anlui 2010. Fârâ di altâ câ unu ahtari congresu, ashi cumu fu minduitu ta s-hibâ, cu partitsipari di partea politiceanjloru di la Cunsillu ali Evropâ cumu sh-di la alti institutsiuni evropeni, lipseashti s-hibâ organidzatu.

*Conferintsa di Curceaua*, iu va hibâ câlisiti sh-pareili ditu mass-media armâneascâ, prindi sâ scoatâ tu miydani **unitatea armânjloru** di iutsido – atsea tsi lipseashti s-aspunemu, fârâ di altâ, a uaspitsloru xenji tsi va hibâ câlisits, la congreslu di Tirana.

Cunsillu Armânjloru (Makedonarmânjloru)  
Biroulu di Cumândâseari

tu 03-li di Brumaru 2009

(Bulitinu Infurmativu Nr.14)